


Nanzdanh: Hawj Feihyiz “Hoengh” Hwnjdaeuj

Geij ngoenz neix doxdaeuj, Nanzdanh gij gaiqcojcienz baujhoh caeuq ciepciENZ feihyiz vwnzva ndaej senj haeuj “bi 2020 gij anqlaeh ndei feihyiz caeuq lijyouz doxgap hwngfat”. Nanzdanh Yen dawz minzcuz vwnzva、daegsaek bonjdeih caeuq lijyouz doxgap hwnjdaeuj, bienqbaenz aen vunqsik moq gwnzbiengz gag cujciz, guenfueng (cwngfuj、giyez) haeujcoengh ndeu. Yienh neix lij yungh ngoenzciET ma langhbaij feihyiz vwnzva hanghmoeg, yinx bouxhek daeuj yawj. Lumjbaenz fouxnyenz、dinfwngz dwkgyangq、boq gaeuvaiz、fouxhaizgieg、cietgingqvaiz Bouxcuengh daengj, hawj feihyiz vwnzva dauq hoenghhwd.

(Vangz Yezfwnh Bangz Giz/黄月芬 庞祺)



► Aen congzrok cienzdoengj langhbaij youq ndaw Yauzvaqhau Swnghdai Bozvuzgvanj.

Hocouh “Vahdoj” Gangj Daengz Sim Vunzlai

Aendoih lwnhgangj “buhbengq nding”、 “dangzgoq doj” vah-deihfueng、eu fwen haenh aencingz dangj…… Mboengqneix, Hocouh Si gak aen doihlwnh-gangj yungh gak cungj hingzik moq haeuj lajmbanj lwnhgangj gij cingsaenz Gaiq Daih-cibgouj Haj Cung Cienzhoh Aendangj. Hawj cingsaenz cienz-hoih ndaej byaij haeuj lajmbanj、haeuj ndaw sim vunzlai bae. Daengz seizneix, Hocouh gaenq lwnhgangj le 644 ciengz, miz 8 fanh lai vunz souh’ik.

(Lungz Libingz/龙丽萍)



▲ Bouxgagnyienh youq Vangzdung Yauzcuz Yangh lwnhgangj.



▲ Gyoengq lwghag cingq roq gyong.

Saunenzgungh Iqet, Diemj-dawz Loqsiengj Lwgnyez

Gyawj geij bi doxdaeuj, gak aen saunenzgungh laeng Lingzsanh Yen lajmbanj hagdangz yawj dieg bae guh, aeu hingzik moq ma banh gak cungj hozdung, roengzrengz cauhaeb gij daegsaek swhgeij. Lumjbaenz ciuq gij iendoen gyonglaux、nauh dangzfwen Boux-cuengh daengj Mbanjcuengh gag miz haenx ma hai goq roq gyong、eu fwen. Bi 2020, gij saunenzgungh lajmbanj Lingzsanh si gaep doxhwnj miz 18 aen, 17 aen yangh cungj miz caez, diemjdawz gij loqsiengj gyoengq lwgnyez lajmbanj.

(Fungz Gez/冯洁)

Duetgungz Gunggeng Caeuq Guhhoengh Lajmbanj Caez Hwngfat



▲ Bouxndaemmak angqvauvau langhbaij makgam ngamq mbaet haenx.

Mboengqneix, gij mak-gam Lungzswng Gak Cuz Swciyen Byauzlij Cin laeb-daeb ndaej sou lo, gyoengq-vunz ndaem mak youq ngoenz ndit ndei mbaet mak hwnj haw gai. Byauzlij Cin aeu gij fuengsik “hohdajndaem + gih-di + hozcozse”, yawj dieg guh gij cannieb dajndaem mak-gam, hawj vunzlai lajmbanj demsou, coenghrengz hawj duetgungz gunggeng caeuq guhhoengh lajmbanj ndaej doxrangh.

(Banh Cisiengz/潘志祥)